

Elmedin Konaković,
zastupnik u Skupštini Kantona Sarajevo

SKUPŠTINA KANTONA SARAJEVO
n/r Predsjedavajućeg

ZAVOD ZA JAVNO ZDRAVSTVO KANTONA SARAJEVO
n/r g.-đa Aida Pilav, direktorica

PREDMET: Zastupnička inicijativa

Poštovani,

Pokrećem inicijativu koja se tiče pripreme i izrade analitičke studije o stanju sistema zdravstvene zaštite u Kantonu Sarajevu, kao i o stanju zdravlja i zadovoljstvu zdravstvenom zaštitom naših sugrađana. Ovu inicijativu upućujem Zavodu za javno zdravstvo Kantona Sarajevo.

Obrazloženje:

Naime, smatram da je važno da se napravi ozbiljnija analitička studija o sistemu zdravstvene zaštite u Kantonu Sarajevo u prethodnih 5 godina, sa pregledom i analizom svih raspoloživih zdravstveno-statističkih podataka, kao i analizom svih strategija, zakona, podzakonskih akata, uredbi i odluka, kao i njihove implikacije na sistem zdravstvene zaštite, sa preporukama i prijedlozima za pravce djelovanja u narednom periodu, a sve u cilju unapređenja i poboljšanja sistema, a prema preporukama Svjetske zdravstvene organizacije, poštujući principe univerzalne zdravstvene zaštite za sve – što podrazumijeva : dostupnost, solidarnost, sveobuhvatnost, kontinuiranost, specijalizirani pristup, stalno unapređenje kvaliteta zdravstvene zaštite, kao i njenu efikasnost.

Drugi korak, nakon izrade analitičke studije, bio bi provođenje populacionog anketnog istraživanja o stanju zdravlja i zadovoljstvu zdravstvenom zaštitom naših sugrađana, koristeći neki od Evropskih preporučenih upitnika, na reprezentativnom uzorku stanovništva, što bi omogućilo dobivanje podataka u tzv. osnovnoj (baseline) studije, a što će koristiti kao dobra dokumentaciona osnova za pravljenje strategija razvoja sistema zdravstvene zaštite u Kantonu Sarajevu. Sa aspekta istraživača ova vrsta podataka iz anketnoga istraživanja je neobično važna, kada imamo priliku da stanovništvo/korisnike pitamo i dobivamo odgovore ili pregledamo na mjestu boravka (istraživanje u domaćinstvima), te dopunjujemo statističke podatke iz naših zdravstvenih ustanova.

Mislim da su se stekli uslovi da se uradi studija i istraživanje, sa aspekta struke i nauke, te da te aktivnosti u cijelosti treba da vodi Zavod za javno zdravstvo Kantona Sarajevo.

Zastupnik

Elmedin Konaković

Sarajevo, 26.3.2019.godina